



ԵԿԵՂԵՑԱԿԱՆ ԲԵՍ. ԼՈՒՐԵՐ

Հումիսի 1-ին, կիրակի.– **Բ** կիրակի զկնի Հոգեգալստեան: **Տօն Կաթողիկէ Ս. Էջմիածնի:**

Այսօր Մայր տաճարում, Ավագ ս. սեղանի վրա, Ս. Պատարագ մատուցեց և «Հայր մեր»-ից առաջ քարոզ խոսեց Մայր Տաճարի Լուսարարապետ Գերաշնորհ Տ. Հուսիկ արքեպս. Սանթրույանը՝ «Էջ Միածինն ի Հօրէ եւ յոյս փառաց ընդ մմա» (Ծարական) բնաբանով:

Ս. Պատարագից ձեռոտ կատարվեց Մաղթանք Ս. Էջմիածնի:

Հումիսի 8-ին, կիրակի.– **Գ** կիրակի զկնի Հոգեգալստեան:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Տ. Տրդատ արեղա Մարտիրոսյանը: «Հայր մեր»-ից առաջ քարոզ խոսեց պատարագիչ Հայր սուրբը՝ «Այսօր մոր ժողովուրդը, ցնծացէք ընդ զալուստ Հոգւոյն Սրբոյ մեծացուցանելով զելոդն ի Հօրէ» բնաբանով (շարական Հոգւոյ գալստեան):

Ս. Պատարագին ներկա էր վեհափառ Հայրապետը:

Ս. Պատարագից ձեռոտ կատարվեց Հոգեհանգստյան կարգ:

Այսօր Հ. Սիմեոն Օտապաշյանի, օր. Լորա Կնունյանի և պրն. Արթուր Ռոբերյանի ղեկավարությամբ մի խումբ մասնագետներ այցելեցին Մայր Աթոռ: Խումբը կազմակերպված էր Հյուսիսային Ամերիկայի Արևելյան թեմի երիտասարդաց բաժնի և Հայ Օգնության Ֆոնդի կողմից և բաղկացած էր 34 մասնագետներից՝ Ամերիկայի զանազան շրջաններից:

Հումիսի 9-ին, երկուշաբթի.– Սրբոցն Եպիփանու Կիպրացւոյն, Բաբելայ Բայրապետին և երից աշակերտաց մորին:

Այսօր Հոգևոր Մեմարանում, տեսուչ Հայկազուն Ծ. վրդ. Նաչարյանի

նախազահությանը, գումարվեց սմավերջյան դասախոսական ժողովը և ամփոփվեցին ու քննարկվեցին Հոգևոր Ընտարանի քննությունների և ամբողջ տարվա արդյունքները: Ժողովի ընթացքում Տեսչարան բարձրացավ վեհափառ Հայրապետը: Նորին Սրբությունը, գնահատանքի և օրհնության խոսք ուղղելով, նաև իր մտածումները կիսեց դասախոսների հետ ուսման, կրթության և ուսանողների ընդհանուր վիճակի մասին:

**

Հունիսի 10-ին, երեքշաբթի.— Սրբոցն Կոստանդիանոս թագաւորին և մօրն ճորայ Հեղինեայ:

Այսօր վեհարանի հանդիսությանց դահլիճում տեղի ունեցավ Հոգևոր Ընտարանի ուսումնական տավա փակման հանդիսությունը (տե՛ս էջ 244-251):

**

Հունիսի 14-ին, շաբաթ.— Գիտ նշխարաց սրբոյն Գրիգորի Լուսաւորչին մերոյ:

Այսօր, երեկոյան ժամերգության ընթացքում, տեղի ունեցավ եպիսկոպոսական վեց թեկնածուներ և Մայր Աթոռ Ս. Էջմիածնի միաբաններ ու թեմակալ Առաջնորդներ Տ. Եզնիկ ծ. վրդ. Պետրոսյանի (Հարավային Ռուսաստանի թեմ), Տ. Նաթան ծ. վրդ. Հովհաննիսյանի (Ռկրաինայի թեմ), Տ. Աբրահամ վրդ. Մկրտչյանի (Սյունյաց թեմ), Տ. Առաքել վրդ. Քարամյանի (Կոտայքի թեմ), Տ. Նավասարդ վրդ. Կճոյսնի (Արագածոտնի թեմ), Տ. Սեպուհ վրդ. Չուլջյանի (Գուգարաց թեմ) երդմնագրերի և Մայր Աթոռին հավատարմության հավաստագրերի ստորագրության հանդիսավոր արարողությունը՝ նախազահությամբ Մայր Տաճարի Լուսարարապետ Գերաշնորհ Տ. Հուսիկ արքեպս. Սանթրուրյանի:

**

Հունիսի 15-ին, կիրակի: Դ կիրակի զկնի Հոգեգալուտեան:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Ամենայն Հայոց Կաթողիկոս Ն.Ս.Օ.Տ.Տ Գարեգին Ա-ը: Ս. Պատարագի ընթացքում վեհափառ Հայրապետը Մայր Աթոռ Ս. Էջմիածնում կատարեց իր անդրանիկ եպիսկոպոսական Ձեռնադրության կարգը՝ խարտավիչակությամբ Մայր Տաճարի Լուսարարապետ Տ. Հուսիկ արքեպս. Սանթրուրյանի և աղընթերակայությամբ Տ Գարեգին արքեպս. Ներսիսյանի ու Տ. Ասողիկ եպսկ. Արիստակեսյանի: Վեհափառ Հայրապետը եպիսկոպոս ձեռնադրեց և օծեց Մայր Աթոռի միաբաններ Տ. Եզնիկ ծ. վրդ. Պետրոսյանին (Հարավային Ռուսաստանի թեմ), Տ. Նաթան ծ. վրդ. Հովհաննիսյանին (Ռկրաինայի թեմ), Տ. Աբրահամ վրդ. Մկրտչյանին (Սյունյաց թեմ), Տ. Առաքել վրդ. Քարամյանին (Կոտայքի թեմ), Տ. Նավասարդ վրդ. Կճոյանին (Արագածոտնի թեմ), Տ. Սեպուհ վրդ. Չուլջյանին (Գուգարաց թեմ): Ձեռնադրությունից հետո քարոզ խոսեց վեհափառ Հայրապետը՝ «Լուսաւորեաց, լուսաւորեաց Աշխարհ Հայաստանեայց, զի հասեալ է լոյս քո եւ փառք Տեառն ի վերայ քո ծագեսցեն» բնաբանով:

Ս. Պատարագին ներկա էին ՀՀ Նախագահի խորհրդակցներ, Հայաստանում Ռուսաստանի Դաշնության արտակարգ և լիազոր դեսպան Անդրեյ Ուռնովը, Ռկրաինայի արտակարգ և լիազոր դեսպան Ալեքսանդր Բոչկուն, ՀՀ Կրոնից

Գործոց Կոմիտեի նախագահ Լազար Սուջյանը, Գերագույն Հոգևոր խորհրդի անդամները, Գուգարաց, Արագածոտնի, Սյունյաց և Կոտայքի մարզերի մարզպետները, բարձրաստիճան այլ այրեր, հյուրեր Սփյուռքից, ինչպես նաև հայ ժողովրդի հավատավոր զավակունք:

**

Հունիսի 16-ին, երկուշաբթի.- Սրբոց վկայիցն Ամտոնիճոսի, Թեոփիլոսի, Անիքստոսի և Փոտոնոսի:

Այսօր Մայր տաճարում, Ավագ ս. սեղանի վրա, Ուխտի Ս. Պատարագ մատուցեց Հարավային Ռուսաստանի թեմի նորած Առաջնորդ Գերաշնորհ Տ. Եզմիկ եպիսկոպոս Պետրոսյանը:

**

Հունիսի 17-ին, երեքշաբթի.- Սրբոց Դանիելի մարգարեին և երից մանկանց՝ Սեդրակայ, Միսաքայ և Աբեղնագույի:

Այսօր Մայր տաճարում, Իջման ս. սեղանի վրա, Ուխտի Ս. Պատարագ մատուցեց Ուկրաինայի թեմի նորած Առաջնորդ Գերաշնորհ Տ. Նաթան եպիսկոպոս Հովհաննիսյանը: «Հայր մեր»-ից առաջ քարոզ խոսեց պատարագիչ Սրբազանը՝ «Արի որ մեջեսդ եւ կանգնեաց ի մեռելոց, եւ լուսատու լիցի քեզ Բրիստոս» բնաբանով (Եփես. Ե 14):

Նույն օրը, երեկոյան, Վեհարանի ընդունելությունների սրահում տեղի ունեցավ Միաբանական ժողով: Միաբանական ժողովին ներկա էր նաև Կ. Պոլսո Ամենապատիվ Պատրիարք Տ. Գարեգին արքեպս. Գազանճյանը: Վեհափառը միաբաններին ներկայացրեց իր Ավստրիա կատարելիք այցելության մպատակները, ինչպես նաև խոսեց Մայր Աթոռի ներքին կյանքի հուզող հարցերի մասին:

**

Հունիսի 18-ին, հինգշաբթի.- Սրբոց Թարգմանյացն մերոց Սահակայ և Մեսրոփայ: Եկեղեցական հանդես յՕշական: Տօճ ազգային:

Այսօր Օշական գյուղի Ս. Մեսրոպ Մաշտոց եկեղեցում Ուխտի Ս. Պատարագ մատուցեց Արագածոտնի թեմի նորած Առաջնորդ Գերաշնորհ Տ. Նավասարդ եպիսկոպոս Կճոյանը: «Հայր մեր»-ից առաջ քարոզ խոսեց պատարագիչ Սրբազանը՝ «Ծանալել զմաստություն և զխրատ, իմանալ զբանս հանճարույ» բնաբանով (Առակ. Ա 2):

Ս. Պատարագին ներկա էին Վեհափառ Հայրապետը, Մայր Աթոռի միաբանները, Արագածոտնի մարզպետարանի պատասխանատու պաշտոնյաներ, Հոգևոր Ծեմարանի սաները և հարյուրավոր ուխտավորներ Հայաստանի տարբեր մարզերից:

Ս. Պատարագից հետո եկեղեցու բակում Արագածոտնի մարզի երաժշտական համալսարանի մասնակցությամբ տեղի ունեցավ հանդիսություն: Հանդիսության ընթացքում հավատացյալներին ու բազմաթիվ ուխտավորներին իր Հայրական պատգամը տվեց Վեհափառ Հայրապետը:

**

Հունիսի 22-ին, կիրակի.- Ե կիրակի զկնի Հոգեգալստեան: Գիւտ տփոյ Սրբուհոյ Աստուածածնի:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Տ. Խաչատուր ավ. քհն. Ֆրանկյանը: «Հայր մեր»-ից առաջ քարոզ խոսեց Գերաշնորհ Տ. Ներսես արքեպս. Պողոսյանը՝ «Որ ողորմեցար ի մեղս ծնեալ մարդկան Հայր երկնաւոր ըստ մարգարէին. եւ ետուր բնութեանս այսօր պարգեւ զկոյսն սուրբ՝ զծնող Որդւոյդ Միաձնի. Մաղթանօք սորա Տէր մեզ ողորմեալ» (շարական, Աստուածամօր ծննդեան Ողորմեայ) բնաբանով:

Ս. Պատարագին ներկա էր Վեհափառ Հայրապետը:



Հունիսի 23-ին, երկուշաբթի.- Սրբոցն Կալիստրատոսի և քառասուն և ինն վկայիցն և Ղունկիանոսի քահանային:

Այսօր Վեհափառ Հայրապետը, գավազանակիր ունենալով «Էջմիածին» ամսագրի գլխավոր խմբագիր Տ. Բագրատ արքեպս Գալստյանին, Մայր Աթոռ Սուրբ Էջմիածնից մեկնեց Ավստրիա՝ մասնակցելու Գրաց քաղաքում տեղի ունենալիք Եվրոպայի Եկեղեցիների խորհրդի Էկումենիկ համաժողովին և իր անդրանիկ այցելությունը տալու Ավստրիահայ համայնքին (տե՛ս էջ 5-73): Ապա Վեհափառ Հայրապետը պիտի մեկնի Մոսկվա՝ մախագահելու Կրեմլի «Ուսպենսկայա» թանգարանում բացվելիք «Հայ Եկեղեցու գանձերը» ցուցահանդեսի բացման հանդիսությունը (տե՛ս էջ 74-84):



Հունիսի 29-ին, կիրակի.- Զ կիրակի զվնի Հոգեգալստեան:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Տ. Տիրայր քհն. Գրիգորյանը: «Հայր մեր»-ից առաջ քարոզ խոսեց պատարագիչ Տեր Հայրը՝ «Արդ որպէս ընկալարուք զՔրիստոս Յիսուս զՏէր, մովին գմասչիք. Արմատացեալք եւ շինեալք ի մա, եւ հաստատեալք ի հաւատս, որպէս ուսարուքն, առաւելեալք ի մմին գոհութեամբ» (Վողոս. Բ 6-8) բնաբանով:

Ս. Պատարագին հետո կատարվեց Հոգեհանգստյան կարգ:



Հուլիսի 4-ին, ուրբաթ:

Այսօր, Ավստրիա և Մոսկվա այցելություններից հետո, Մայր Աթոռ Ս. Էջմիածին վերադարձավ Վեհափառ Հայրապետը (տե՛ս էջ 84):



Հուլիսի 6-ին, կիրակի.- ՎԱՐԴԱՎԱՌ: Պայծառակերպութիւն Տեառն մերոյ Յիսուսի Քրիստոսի:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Տ. Ներսես արքեպս. Պողոսյանը և «Հայր մեր»-ից առաջ քարոզ խոսեց՝ «Ի Թափօր ի լերինն ձեռացուցեր զքո բնութիւնդ անտանելի զոյացութեամբ. ընդ որս եւ մեք ցնծութեամբ երգեմք քեզ՝ ողորմեալ մեզ մարդասէր» բնաբանով (շարական Վարդափառի, Ողորմեայ):



Հուլիսի 9-ին, չորեքշաբթի:

Այսօր, երեկոյան, Վեհափառ ընդունելությունների սրահում տեղի ունեցավ Միաբանական ժողով: Վեհափառ Հայրապետը միաբաններին ներկայացրեց Ավստրիայի Գրաց քաղաքում տեղի ունեցած Եվրոպայի Եկեղեցիների Էկումենիկ համաժողովի արդյունքները, ավստրիահայ համայնքին տված իր անդրամիկ Հովվապետական այցելության արդյունքներն ու տպավորությունները:



Հուլիսի 13-ին, կիրակի.-Բ կիրակի զկնի Վարդավառի:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց Հոռմից Մայր Աթոռ վերադարձած Հոգեշնորհ Տ. Միքայել ծ. վրդ. Աջապահյանը: «Հայր մեր»-ից առաջ քարոզ խոսեց պատարագիչ Հայր սուրբը՝ «Զգույշ լերուք՝ մի՛ արհամարհեցէք զմի ի փոքրկանցս յայսցանէ. ասեմ ձեզ զի հրեշտակք մոցա յերկինս՝ համապագ տեսանեն զերեսս հօր իմոյ, որ յերկինս է» բնաբանով (Մատթ., ԺԸ 10):

Ս. Պատարագին ներկա էր Վեհափառ Հայրապետը:

Ս. Պատարագից հետո կատարվեց Հոգեհանգստյան կարգ:



Հուլիսի 20-ին, կիրակի.-Գ կիրակի զկնի Վարդավառի:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց ուխտավորաբար Մայր Աթոռում գտնվող Արժանապատիվ Տ. Զարեհ քնն. Զարգարյանը (Կանադա): «Հայր մեր»-ից առաջ քարոզ խոսեց Վեհափառ Հայրապետը:

Ս. Պատարագից հետո կատարվեց Հոգեհանգստյան կարգ:



Հուլիսի 21-ին, երկուշաբթի.-Սրբոց Մակաբայեցւոցն՝ Ելիազարու քահանային և Թամունեայ և Էթոմ որդւոց մոռին:

Այսօր Մայր Աթոռ Սուրբ Էջմիածին ժամանեց Հույն Ուղղափառ Եկեղեցու Կոստանդնուպոլսո Տիեզերական Պատրիարք Նորին Սրբություն Բարդուղիմեոս Ա-ը (տե՛ս էջ 87-126):



Հուլիսի 27-ին, կիրակի.-Գ կիրակի զկնի Վարդավառի:

Այսօր Մայր տաճարում, Ավագ ս. սեղանի վրա, Ս. Պատարագ մատուցեց ուխտավորաբար Մայր Աթոռում գտնվող Գերմանիայի թեմի Առաջնորդ Գերաշնորհ Տ. Գարեգին եպս. Պեքեյանը: «Հայր մեր»-ից առաջ քարոզ խոսեց պատարագիչ Սրբազանը՝ «Զի յիմարն Աստուծոյ իմաստնագոյն է քան զմարդիկ» բնաբանով (Ա Կորնթ. Ա 25):

Ս. Պատարագից հետո կատարվեց 'Հոգեհանգստյան կարգ: